



# ქედის მუნიციპალიტეტის საკრებულოს

## გ ა ნ კ ა რ გ უ ლ ე ბ ა

### დაბა ქედა



განკარგულება:გ-95.95222633

თარიღი:20/09/2022

### ქედის მუნიციპალიტეტის საკუთრებაში რეგისტრირებული უძრავი ქონების აჭარის ავტონომიური რესპუბლიკის საკუთრებაში უსასყიდლოდ გადაცემის შესახებ

თვითმმართველი თემის - ქედის მუნიციპალიტეტის სახელზე საჯარო რეესტრში საკუთრების უფლებით რეგისტრირებულია, ქედის მუნიციპალიტეტის სოფელ პირველი მაისში მდებარე 1500 კვ.მ. არასასოფლო-სამეურნეო დანიშნულების მიწის ნაკვეთი (მიწის (უძრავი ქონების) საკადასტრო კოდი N21.02.32.392)

აჭარის ავტონომიური რესპუბლიკის მთავრობა 2022 წლის 07 სექტემბრის №5154/02 წერილით ითხოვს ზემოთ დასახელებულ უძრავი ქონების, აჭარის ავტონომიური რესპუბლიკისათვის უსასყიდლოდ, საკუთრების უფლებით გადაცემას. შემდგომში ქედის მუნიციპალიტეტის სოფელ უჩხითში მცხოვრები მოქალაქე რესან ჟოჟაძის (პ/ნ-61008015486), საცხოვრებელი სახლის, სხვა უსაფრთხო ტერიტორიაზე ადგილმონაცვლეობის განხორციელების მიზნით. ვინაიდან სოფელ უჩხითში მდებარე რესან ჟოჟაძის საცხოვრებელი სახლი და საკუთრებაში არსებული მიწის ნაკვეთი დამეწყრილია და სპეციალისტების დასკვნის შესაბამისად, საცხოვრებელი სახლი ექვემდებარება, სხვა უსაფრთხო ტერიტორიაზე ადგილმონაცვლეობას. ამასთან, აღნიშნული პიროვნება ეწევა ეკონომიკურ საქმიანობას, გააჩნია ხის დამუშავების სახელოსნო და აწარმოებს ხეზე კვეთის ნიმუშებს, რომელიც წარმოადგენს მისი ოჯახის არსებობის ძირითად წყაროს. ვინაიდან, მიწის ნაკვეთის შესყიდვის შესაძლებლობა რესან ჟოჟაძის მცირეშემოსავლიან ოჯახს არ აქვს, ამიტომ ქონების გადაცემა უნდა მოხდეს უსასყიდლოდ, რისი უფლებამოსილებაც ქედის მუნიციპალიტეტს არ გააჩნია და საკითხის მოგვარებისთვის საჭიროა აჭარის ა.რ მთავრობის გადაწყვეტილება.

ზემოთაღნიშნული გარემოების გათვალისწინებით ქედის მუნიციპალიტეტის საკრებულო მიზანშეწონილად მიიჩნევს დასახელებული უძრავი ქონების აჭარის ავტონომიურ რესპუბლიკისათვის უსასყიდლოდ, საკუთრების უფლებით გადაცემას.

საქართველოს ორგანული კანონის „ადგილობრივი თვითმმართველობის კოდექსი“-ს მე-16 მუხლის მე-2 პუნქტის „ბ“ ქვეპუნქტისა და 108-ე მუხლის პირველი პუნქტის შესაბამისად, ქედის მუნიციპალიტეტის საკრებულომ **გადაწყვიტა:**

1. აჭარის ავტონომიურ რესპუბლიკას უსასყიდლოდ, საკუთრების უფლებით გადაეცეს საჯარო რეესტრში თვითმმართველი თემის ქედის მუნიციპალიტეტის სახელზე საკუთრების უფლებით რეგისტრირებული ქედის მუნიციპალიტეტის სოფელ პირველი მაისში მდებარე 1500 კვ.მ. არასასოფლო-სამეურნეო დანიშნულების მიწის ნაკვეთი (მიწის (უძრავი ქონების) საკადასტრო კოდი N21.02.32.392).

2. ეთხოვოს აჭარის ავტონომიური რესპუბლიკის მთავრობას უზრუნველყოს წინამდებარე განკარგულების პირველი პუნქტით უსასყიდლოდ საკუთრების უფლებით გადაცემული ქონების საჯარო რეესტრში რეგისტრაცია და მისი მიღებისათვის საჭირო კანონმდებლობით გათვალისწინებული სხვა ღონისძიების გატარება.

3. განკარგულების დაინტერესებული მხარეთათვის კანონმდებლობით დადგენილი წესით გაცნობა უზრუნველყოს ქედის მუნიციპალიტეტის საკრებულოს აპარატის უფროსმა - მუსხრან სალაძემ.

4. განკარგულება შეიძლება გასაჩივრდეს დაინტერესებული მხარეების მიერ კანონმდებლობით დადგენილი წესით მისი ძალაში შესვლიდან ერთი თვის ვადაში ხელვაჩაურის რაიონულ სასამართლოში (მისამართი: ქ. ბათუმი ფრიდონ ხალვაშის გამზირი №358).

5. განკარგულება ძალაშია ხელმოწერისთანავე.

ამირან ცინცაძე

საკრებულოს თავმჯდომარე

გამოყენებულია კვალიფიციური  
ელექტრონული ხელმოწერა/  
ელექტრონული შტამპი

